



Na osnovu čl. 99. i 123. Zakona o patentu („Službeni glasnik BiH“ broj 53/10), čl. 78. i 104. Zakona o žigu („Službeni glasnik BiH“ broj 53/10), čl. 77. i 103. Zakona o industrijskom dizajnu („Službeni glasnik BiH“ broj 53/10), čl. 69. i 92. Zakona o zaštiti oznaka geografskog porijekla („Službeni glasnik BiH“ broj 53/10) i člana 17. Zakona o Vijeću ministara Bosne i Hercegovine („Službeni glasnik BiH“ br. 30/03, 42/03 i 81/06, 76/07 i 24/08), Vijeće ministara Bosne i Hercegovine na 153. sjednici, održanoj 14. juna 2011. godine, donijelo je

## ODLUKU

### O NAČINU IZBORA ČLANOVA KOMISIJE ZA ŽALBE INSTITUTA ZA INTELKTUALNO VLASNIŠTVO BOSNE I HERCEGOVINE

#### Član 1. (Predmet Odluke)

Ovom odlukom uređuje se način izbora članova Komisije za žalbe Instituta za intelektualno vlasništvo Bosne i Hercegovine (u daljnjem tekstu: Komisija za žalbe).

#### Član 2. (Status)

(1) Komisija za žalbe je nezavisan organ za rješavanje povodom žalbi u drugostepenom upravnom postupku u području industrijskog vlasništva za koje je nadležan Institut za intelektualno vlasništvo Bosne i Hercegovine (u daljnjem tekstu: Institut) u skladu sa Zakonom o patentu, Zakonom o žigu, Zakonom o industrijskom dizajnu i Zakonom o zaštiti oznaka geografskog porijekla.

(2) Sjedište Komisije je u Mostaru.

#### Član 3. (Sastav Komisije)

(1) Komisija za žalbe ima tri člana od kojih je jedan predsjednik.

(2) Komisija za žalbe ima tri zamjenika člana od kojih je jedan zamjenik predsjednika.

Član 4.  
(Uvjeti za imenovanje i trajanje mandata)

(1) Članovi i zamjenici članova Komisije za žalbe Instituta imenuju se iz reda eksperata u području intelektualnog vlasništva (sa Pravnog fakulteta), te iz reda državnih službenika zaposlenih u Institutu.

(2) Članovi Komisije za žalbe iz reda eksperata (sa Pravnog fakulteta) moraju imati akademsku titulu doktora ili magistra pravnih nauka u područjima prava intelektualnog vlasništva, privrednog prava ili građanskog prava, a članovi Komisije iz Instituta položen stručni upravni ispit ili položen, odnosno priznat ispit za patentnog zastupnika ili zastupnika za žigove.

(3) Predsjednik i zamjenik predsjednika imenuju se, u pravilu, iz reda eksperata sa Pravnog fakulteta.

Član 5.  
(Način imenovanja)

(1) Vijeće ministara Bosne i Hercegovine, na prijedlog direktora Instituta, imenuje članove i zamjenike članova Komisije za žalbe.

(2) Imenovanje članova i zamjenika članova vrši se na period od četiri godine.

(3) Na prijedlog direktora Instituta, Vijeće ministara Bosne i Hercegovine može razriješiti člana ili zamjenika člana Komisije za žalbe i prije isteka perioda na koji je imenovan.

(4) Članovima Komisije za žalbe Instituta prestaje rad u Komisiji pismenim odricanjem ili prestankom rada u Institutu.

Član 6.  
(Osiguranje sredstava)

Komisija za žalbe se finansira sredstvima iz Budžeta institucija Bosne i Hercegovine i međunarodnih obaveza Bosne i Hercegovine odobrenih na ime Instituta za intelektualno vlasništvo Bosne i Hercegovine.

Član 7.  
(Prestanak primjene prijašnje odluke)

Stupanjem na snagu ove odluke prestaje važiti Odluka o osnivanju Komisije za žalbe Instituta za intelektualno vlasništvo Bosne i Hercegovine („Službeni glasnik BiH“ broj 45/08).

Član 9.  
(Stupanje na snagu)

Ova odluka stupa na snagu osmog dana od dana objavljivanja u „Službenom glasniku BiH“.

VM broj 108/11  
14. juna 2011. godine  
Sarajevo

Predsjedavajući  
Vijeća ministara BiH  
Dr. **Nikola Špirić**, s.r.